

天一閣藏明代方志選刊續編

崇禎吳縣志三（江蘇）

天一閣藏明代方志選刊續編
二七

上海書店

吳縣志卷之二十三

園林

吳多湖山名人韻士率選勝以自娛而園林之名遂傳
海宇茲合昔今並爲紀載

辟疆園顧況所築西晉來傳其池館林泉之勝甲吳中唐陸
羽云辟疆舊林園怪石分相向宋張伯玉云丁公門館辟
疆園放蕩襟懷水石間今莫知遺跡所在按皮陸詩知在
唐爲任晦園亭今任園亦不可攷矣

高啓弔辟疆園詩

江左風流遠園中池館平賓客已寂寞狐兔自縱橫秋
草猶故綠春花非昔榮市朝亦屢改高臺能不傾

陸山人樓亭廣異記云蘇州山人陸去奢亭子卽戴顓宅也
儲光羲咏陸山人樓亭

暮聲雜初鴈夜色涵早秋獨見海中月炤君池上樓山
雲拂高棟天漢入雲流不惜朝光滿共如千里游

孫園今不知所在元微之寄樂天詩云孫園虎寺隨宜看不
必遙遙羨鏡湖

任晦園池晦嘗爲涇縣尉歸吳作圃蓋得辟疆園以爲宅

皮日休任晦園亭詩

任君恣高放斯道能寡合一宅閑林泉終身遠囂雜嘗

聞佐浩穰散性多儻俗

上五盍反
下音沓

歛爾解其綬遺之如

棄鞅歸來鄉黨內却與親朋洽開溪未讓丁列第方稱

甲入門約百步古木聲霎霎廣檻小山欹斜廊怪石夾

白蓮倚闌楯翠鳥綠簾押地勢似五瀉巖形若三峽猿

眠但脯臍兒食時唳唳撥蒼下文竿結藤縈桂檝門留

醫樹客壁倚栽花鉅度歲止褐衣經旬惟白袷多君方

閉門顧我能倒屣請題在茆棟留坐於石榻魂從清景

通衣任烟霞，袞階除龜任。上枕席鷗方，狎沼似頗黎境。
當中見魚脰，杯杓悉杉瘤。盤筵盡荷葉，閒斟不置罰閒。
弈不事劫閒，日不整冠閒。風無用筵以斯爲，思慮吾道。
寧疲繭袞衣，競璀璨鼓吹爭。鞵鞞欲者解，擠排詬者能。
詰讞權豪暫，翻覆形禍相。填歷此時一圭竇，不肯饒閭。
闔有第可棲息，有書可漁獵。吾欲與任君終身，以斯愜。

陸龜蒙任晦園

吳之辟疆園，在晉勝槩敵。前聞富脩竹，後說紛怪石。風
烟慘無主，載祀將六百。草色與行人，誰能問遺跡。不知

清景在盡付任君宅却是五湖光偷來傍簷隙出門向
城路車馬聲轢轢入門望亭隈水木氣岑寂犖牆遶曲
岸勢似行無極十步一危梁乍疑當絕壁地容澹而古
樹意蒼然僻魚驚尾半紅鳥下衣全碧斜來島嶼隱恍
若瀟湘隔雨靜挂殘絲烟消有餘脈揭來佳公子擺落
名利役雖得祿代耕頗愛巾隨策秋籠支遁鶴夜榻戴
顛客說史是爲師談禪差作伯君多鹿門思到此情便
適仙蔭桂堪帷縱吟苔可席顧余真任誕雅遂中心獲
但喜醉還醒豈知月尚白甘閒在雞口不貴封龍額卽

此自怡神何勞謝公屐

凌處士莊在由姑山北

韋莊題凌處士莊

一簇林亭返炤間
門當官道不曾關
花深遠岸黃鶯鬧
雨急春塘白鷺閒
載酒客尋吳苑寺
倚樓僧看洞庭山
怪來說得仙中事
新有人從物外還

南園祥符圖經云在子城西南有安寧廳思玄堂清風綠波
迎仙等三閣清漣涌泉清暑碧雲流杯沿波惹雲白雲等
八亭又有榭亭二就樹爲榭柱及迎春百花等三亭西池

在園廳西有組首旋螺二亭續記云廣陵王帥吳因治南
園爲島嶼峰巒出於巧思錢氏去國此園不毀祥符中知
州秦義葺之以會寮吏館使朝貴皆爲賦詩參知政事丁
謂爲序時景靈宮購求珍石郡中亦於此取貢京師其間
臺榭歲久摧圯呂惠卿嘗作熙熙堂厥後守將亦加修葺
今所存之亭僅有流杯四照百花樂豐惹雲每春縱士女
遊覽先是知長洲縣王禹偁嘗攜客醉飲賦詩大觀末蔡
京罷相欲東還詔以園賜之續志云南園昔甚廣袤異木
奇石多爲朱勔取進獨一松盤根大不可移而止今府學

後一方之地亦故址也猶有清流崇阜可以彷彿當時之
 勝蜀人高氏嘗得一隅經營之而流杯出焉因作醉鄉亭
 以倣古

今王禹偁咏南園

天子優賢似有唐鏡湖思賜賀知章他年吾若功成後

乞與南園作醉鄉

蔡京南園

八年帷幄竟何為更賜南園寵退歸堪笑當年王學士

功各未有便吟詩

羅隱南園

搏擊路終迷南山且灌畦敢言逃俗態自是托幽棲
葉長春菘爛科圓早薤齊雨沾虛檻冷雲壓遠山低竹好
還成徑桃夭亦有蹊小牕飛野鳥閒瓮養醪雞水石心
逾遠雲霄分已睽病憐王猛畚愚笑隗鬻泥澤國潮平
岸江村柳覆堤到頭乘興是誰手好持攜

蘇舜欽南園

西施臺下見名園百草千花特地繁欲問吳王當日事
後來桃李若爲言

梅華南園

長洲茂苑占幽奇，巖榭玲臺入翠微。
園李露濃山色秀，徑桃烟煖一香飛。
月臨夕樹烏頻遶，風揭珠簾燕未歸。
弭蓋暫歡成結戀，斜陽憑檻獨依依。

胡宿南園

一遍芳菲欲滿林，回塘過雨曉來深。
紅妝珠珮交花影，白馬春衫度柳陰。
向老追攀多彊意，隨時風物但驚心。
眼前百事輸年少，猶解因君放浪吟。

周元明南園

燉爛花時綿繡張無端下馬繫垂楊山亭水閣笙歌地
合與行人作醉鄉

程俱南園

王子池塘迹已荒年來華構壓高岡長林不礙千山月
老幹猶含九夏霜便覺平泉冠東洛還依綠水汜南塘
蝸廬却喜通幽徑岸幘時來一嘯長

成廷珪九月南園宴集

范相南園五百秋重來訪古轉多愁啼鳥樹老臺空在
飲馬池荒水不流芹泮好從多士樂桂叢誰賦小山幽

諸公高會詩如錦授簡安能接勝遊

高啓南園

君不見平樂館古城何處寒雲滿君不見奉誠園荒臺
無踪秋草繁白日沉山水歸海寒暑頻摧陵谷改皇天
大運有推移富貴於人豈長在請看當年廣陵王雙旌
六纛何輝光幸逢中國久多故一家割據夸雄強園中
歡遊恐遲暮美人能歌客能賦車馬春風日日來楊花
吹滿城南路疊石爲山引泉爲池辟疆舊園何足奇經
營三十年欲令子孫永保之不知回首今幾時繁花掃

地無復遺門掩愁鷗嘯風雨種菜老翁來作主空餘怪
石臥池邊欲問興亡不能語春已去人不來一樹兩樹
桃花開射堂踟圃俱青苔何須雍門琴但令對此便可
哀人生不飲何爲哉人生不飲何爲哉

張氏園池亦南園故地紹興間侍郎張幾仲得之山亭猶扁
惹雲池塘猶扁清漣堂側有凌霞閣奉其父

梅都官園在府治西祝樵野錄云梅摯晚年謝事卜築滄浪
之傍與蘇舜欽相隣二公一時名勝日夕往來酌酒賦詩
相得甚歡今猶稱其地爲梅家園

隱圃在靈芝坊蔣樞密堂所居堂兩知蘇州謝事因家焉自
號遂翁圃中有水月菴烟蘿亭風篁亭香巖峰古井貪山
等景宅南溪上結宇十餘楹名溪館及築南湖臺於水中
皇祐間芝草生於溪館知州李仲偃集賓僚賦詩爲壽因
立靈芝坊

蔣堂自味隱圃

雅得菟裘地清宜隱者心綠葵才有甲青桂漸成陰獨

曳山屐往無勞俗駕尋湛然嘗寂處水月一菴深

蔣堂自咏溪館

野意本自遠，茲溪稱獨醒。
雲蘿環靜室，水石炤疎櫺。
竹編書古，紉蘭作佩，聲玉通昔不偶，時亦坐汾亭。

蔣堂自味南湖臺

三首

危臺竹樹間，湖水伴深閒。
清淺採香徑，方圓明月灣。
放魚隨物性，載石作家山。
自喜歸休早，全勝賀老還。

曉榭水中央，茲爲隱遁鄉。
小園香寂寂，一派曉泱泱。
烟草碧彌岸，霜桃紅壓牆。
鴟夷倘居此，必未入滄浪。

水次結危亭，烟隄四面平。
栽蘆延宿鷺，種柳待啼鶯。
雪霽清流漲，風來夜艇橫。
輕肥莫臨顧，吾老懶逢迎。